



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDXXIV. XXV. XXVI.

**urn:nbn:de:hbz:466:1-42840**

na quàm humana quæ agimus; erudianturque ab illa Ignatij sic tacentis hebdomadâ MARIANA; ut ab illa & silere & orare ardentè & agere attentè, ac diuinè omnia cumulandis amoris lucris immortalibus condiscamus. S. Ioannes Damascenus: *Frequens, inquit, ipsa ad famulos suos veniet, at secum bonorum omnium agmen trahet.*

orat. 2. de  
Ass.

## ANNO MDXXIII.

22 S.P. Ignatius Hierosolymani visens, in singulis mysteriorum IESV & MARIE vestigijs particulatim ore prono & lachymis volutatus, inclytam DEI Matris, vbi olim habitarat domum, & Bethle- hemiticum Virginei partus tugurium religiosè est veneratus; augustè colens locum, vbi steterunt pedes eius. Montem item Caluarium, in quo sub Cruce stabat Mater IESV, nos à CHRISTO sibi veluti testamento donatos in Ioanne accipiens, & nobis in Matrem data. Omnia denique mysteriorum loca visabat, in quibus MARIA IESVM olim vel parvulum pariebat, vel virum audiebat, vel moribundo adstabat. Et verè illa Isidoro Thesal. dicitur; *Thesaurus mysteriorum.* In hoc tunc Thesauro versabatur, & opes cælestes colligebat Ignatius, lautam filijs hereditatem: cuius cretio tunc erit quando illam adibimus.

Vite B.V.  
mysteria  
expedere.

orat. 26.

## ANNO MDXXIV. XXV. XXVI.

23 S.P. Ignatius nescio quo pietatis obtentu se Barcinonæ turbari in studijs aduertit: ideòque Ardebalo Magistro suo ad vicinum DEI Matris de mari dictæ templum seuocato, ibi fusus in genua, velut in diuina Matris conspectu ac domo, studiorum suorum turbamenta enarrans, promisit flagrantem diligentiam, & accuratorem; paratus in pœnas, nî staret pollicitis. Atque hac arte sensit se magis ido-

Tadia of-  
ficij, illius  
ope super-  
rare.



Marialis  
pag. 141.

idoneum studijs deinceps perattentè tractandis. *Est* MARIAE mens, teste Adamo Abbate Perfenio aliàs hîc laudato, *schola virtutum, quædam summi Regis cathedra*. Hîc erudiri, & studia sua hîc excitari voluit in hac sapientiæ sede Ignatius; vt nobis ostenderet vbi calorem debeamus tam studiorum, quàm omnis quod nobis incumbit muneris, si fortè elanguescat, instaurare: vt illa sit sustentatio animi inter officij tædia submorosi.

Rudes in  
cultu B.  
V. instrue-  
re.

24 S.P. Ignatius coram sacratissima Virgine MARIA stabilito negotio studiorum, Virgine Matre, ac Magistro in consilium adhibitis, id quod illi otij fuit super, eius cultui impendit: vbi que sacra illi loca, circumspectans, illisque intentus; ac eiusdem officium, & coronam ritè cum singulari erga illam, animi propensione dicendi rationem, paruulos, & rudiores docens; nempe infimarum disciplinarum, in scholis discipulus, & foris Magister MARIANÆ pietatis. In primis Seruorum B.V. fastis fertur, quòd Florentinam illam Beatiss. DEI Matris imaginem, pictor cum pingeret, ac de capite illius pingendo esset sollicitus, sopitus sit somnò; & experrectus, caput Virginis, ac faciem, manu Angelicâ, cælesti artificio pictam, adeoque illam à se inchoatam imaginem, ab Angelo absolutam inuenerit. Incipiamus nos cum Ignatio veram Deiparæ colendæ, imitandæque artem, velut eius effigiem, pingere in teneris mentibus paruulorum; reliqua DEVS absoluet.

lib. 1. c. 2.  
iustit.

Benè dixit Quintilianus: *Natura tenacissimi sunt eorum quæ rudibus annis percipiuntur: vt sapor quo nonna imbuas, durat: nec lanarum colores quibus simplex ille candor mutatus est, elui possunt.* Ideò ætatem primam, & rudes annos, primamque velut lanam his artibus, ceu colore, imbuebat Ignatius: vt maturiùs

pare-



pareret utilitatibus parvulorum, amoremque tantæ  
Matris extenderet.

A N N O M D X X V I I

25 S. P. Ignatius Sabbatum adeò habebat in  
veneratione, vt admirationem, & quæstionem eâ re  
mouèrit, vnde in carcere Complutensi Vicarius il-  
lum, post alia plura, de Sabbato interrogauit: re-  
spondit Ignatius; à se Sabbatum obseruari debito  
DEI Matris honori, non verò Indaicæ superstitioni.  
Scribit & M. S. Historia Aragoniæ Prouinciæ, Igna-  
tium supræmæ huic Principi, per omnem vitam cor-  
datissimâ, vt loquitur, seu è corde intimo sapienter  
& sanctè profectâ pietate, fuisse addictè dedicatum:  
eamdemque pietatem ab illo Societati vniuersæ pro-  
hereditate relictam. Quisquis DEI Matrem colere  
vis, memento etiâ inter alia obsequia, vt aliquo pie-  
tatis officio diem Sabbati sanctifices, & in eo sanctifi-  
ceris.

Sabbatū  
in hon. B.  
V. reuere-  
ri.  
lib. 1. c. 2.

A N N O M D X X X I V

26 Eius, quæ nunc tanta est, vniuersæ Societa-  
tis fundamenta iacta sunt in MARIANO illo Marty-  
rum monte ad Parisios: vbi in æde Beatissimæ DEI  
Matris ad Martyres dictæ anno 1534. 15. Augusti,  
præmissis ante quotidianis ieiunijs, & oratione pro-  
lixâ, septem primi de Societate, id est, Ignatius, &  
sex Ignatij Socij, vota nuncupauêre, Paupertatis,  
Castitatis, quærendæ salutis animarum, & Hieroso-  
lymitanæ, (si quidem id fieri certum intra tempus  
posset) navigationis; vt se Assumptæ in cælos Vir-  
gini comites adderent, seque ipsos vnâ cum illa in  
cælum præmitterent hac sponsione vitæ cælestis.  
Quo ipso anno Henricus VIII. Angliæ REX fune-  
tus, publicum contra fidem Catholicam vexillum  
erexit. Quemadmodum S. Brigittæ dixerat olim.

Ad magna  
inchoanda  
locum, &  
diem B.V.  
sacrum  
diligere.  
Assumpt.  
B.V.

Bea-